

Headlines

1. केंद्री राज्यमंत्री डॉ. जतिंद्र सिंह होरें आखेआ जे सरकारै 2035 तगर अपना अंतरिक्ष केंद्र कायम करने दी योजना बनाई ऐ ते 2040 तगर इक अंतरिक्ष यात्री चन्न पर जाग।
2. केंद्री गृह राज्यमंत्री नित्यानंद राय होरें आखेआ जे सरकारै मुख्य थ्वां आतंकवाद गी खत्म करने लेई सख्त तरीकाकार अपनाए न।
3. विधानसभा दे स्पीकर होरें मिम्बरें गी आखेआ ऐ जे ओहू शोर-शराबा पाने दे बजाय जिम्मेदारी कन्नै कम्म करन।
4. सेहत ते मेडिकल शिक्षा मंत्री सकीना इत्तू होरें आखेआ जे जम्मू-कश्मीर च एन.एच.एम कर्मिणं दी उजरत च 15 थ्वां 17 फीसद दा बादा कीता गेआ ऐ जेडा सालाना 5 फीसद ऐ।
5. केंद्र शासित प्रदेश जम्मू-कश्मीर च साम्बा जिले दे रामगढ़ मेडिकल ब्लॉक नै कायाकल्प सम्मान तैहत पैहला ईनाम हासिल कीता ऐ।

<><><><><><>

LS-Intendea Space

भारत नै 2035 च अपना स्पेस स्टेशन भारत अंतरिक्ष स्टेशन बनाने दी योजना बनाई ऐ ते जेकर सारी योजना ठीक होई जंदी ऐ तां 2040 तोहड़ी इक्क भारतीय एस्ट्रोनॉट चंद्रमा उप्पर जाग। प्रधानमंत्री दफ्तर च राज्यमंत्री डॉ. जितेंद्र सिंह होरें अज्ज लोकसभा च एहू गल्ल आकखी। श्री सिंह होरें आखेआ जे चंद्रयान-4 गी 2 प्रक्षेपण यानें दे राणं प्रक्षेपित कीती जाग ते एहूदे पंज घटक होंगन। उनें एहू बी आखेआ जे गगनयान दी इक महिला रोबोट कन्नै परीक्षण उडान इस बरे दे खीरी तगर शुरू कीती जाग। इस मौके उप्पर बोलदे होई उनें आखेआ।

<><><><><><>

Terrorism RS

गृह राज्यमंत्री नित्यानंद राय होरें अज्ज राज्यसभा च दस्सेआ जे सरकार नै आतंकवाद खलाफ जीरो टालरेंस दी नीति लागू कीती ऐ जेदे चलदे आतंकवाद दी घटनाएं च मती कमी आई ऐ। उनें इस गल्ला उप्पर लोऽ पाई जे राष्ट्र एजेंसी गी भारत दे अंदर ते बाहर आतंकवाद सरबन्धी गतिविधियें दी जांच करने दा अधिकार दित्ता गेआ ऐ उनें आखेआ जे केंद्र सरकार देसै थमां आतंकवाद गी खत्म करने लेई सख्त गैऽ चुक्का करा'रदा ऐ। इस मौके उप्पर बोलदे होई उनें आखेआ।

<><><><><><>

Speaker-Conduct

स्पीकर अब्दुल रहीम राथर होरें अज्ज सदन दे सदस्यें गी आखेआ ऐ जे ओहू जिम्मेवारी कन्नै अपना कम्म करन, गल्लें गी सनसनीखेज बनाने थमां बचन ते जन प्रतिनिधि दे तौर उप्पर अपनी भूमिका उप्पर जोर देन। उंदी एहू टिप्पणी विधायक वहीद-उर-रहमान परां दे ट्वीट दे बाद आई जेदे च उनें बक्ख-बक्ख मैहकमें दे अनुदानें दे खलाफ उन्दे कटौती आहले प्रस्तावें गी खारिज करने उप्पर वेरवे दा आरोप लाया ऐ। स्पीकर होरें साफ कीता जे नियम 227 दे मताबक कटौती दा प्रस्ताव चर्चा थमां घट्टोघट्ट त्रै दिन पैहले पेश कीता जाना चाहिदा ऐ। उनें दस्सेआ जे परां होरें प्रस्ताव देरी कन्नै पेश कीता ऐ।

<><><><><><>

Rajouri-Deaths

सेहत ते चिकित्सा शिक्षा मंत्री सकीना इत्तू होरें अजज आखेआ ऐ जे राजौरी दे बुद्दल च बमारियें ते मौत दा कारण कुसै बी संक्रमण बमारी दे कारण नेई ऐ। क्लीनिकल रिपोर्ट च दस्सेआ गेआ ऐ जे मरने आहलें दी रूट्टी दे नमूने च रसायनिक जैहरी पदार्थें दी मौजूदगी ही। मंत्री होरें जावेद इकबाल चौधरी हुंदे इक सोआल दा जवाब देआ'रदियां हियां। उनें दस्सेआ जे मरने आहलें दे परोआर दे सदस्यें गी 1 लक्ख रपे दी रकम ते 50 ज्हार रेड क्रॉस फंड, डिप्टी कमिशनर राजौरी आसेआ दित्ता गेआ ऐ।

<><><><><><>

Bandipora-IED

सुरक्षाबलें बांडीपोरा दे अरागाम च इक आई.ई.डी दा पता लाइयै उसी नकारा करी दित्ता। चिनार कोर नै अपनी इक सोशल मीडिया दी पोस्ट च जानकारी दित्ती जे आई.ई.डी बांडीपोरा-श्रीनगर शिडक पर लब्बी जिसी सुरक्षाबलें सुरक्षित ते नियंत्रित ढंगगे सिर नकारा बनाया। इयां करियै सुरक्षाबलें इक बड्डे हादसे गी टाल्ली दित्ता। एहदे कन्नै नागरिकें दी सुरक्षा प्रति सुरक्षाबलें दी बचनबद्धता दा पता लगदा ऐ। भारतीय सेना जम्मू-कश्मीर गी आतंकवाद थ्वां मुक्त बनाने लेई बचनबद्ध ऐ।

<><><><><><>

Sakeena-Nitin Wages

सेहत ते मेडिकल शिक्षा मंत्री सकीना इत्तू होरें सदन गी जानकारी दित्ती जे राश्ट्रीय सेहत मिशन तैहत जम्मू-कश्मीर च कम्म करा रादे कर्मिणं दी उजरत गी 2021-22 च 15 थ्वां 17 फीसद तगर बढ़ाया गेआ ऐ, सलाना 5 फीसद दे बाढ़े कन्नै। मंत्री होरें एहू जानकारी विक्रम रंधावा हुंदे आसेआ पुच्छे गेदे सोआलै दे परते च दित्ती। उनें साफ कीता जे एन.एच.एम लेई पूरी चाल्ली केंद्री सेहत ते परोआर कल्याण मंत्रालय आसेआ फंड उपलब्ध करोआया जंदा ऐ ते एन.एच.एम कर्मियें दी तनखाई बारै कोई बी फैसला लैने थ्वां पैहले केंद्रीय मंत्रालय दी मंजूरी लाजमी ऐ। आर.एस पठानिया ते डॉ. रामेश्वर सिंह हुंदे आसेआ पुच्छे गेदे जिमनी सोआलै दे परते च मंत्री होरें आखेआ जे पक्का करना ते उजरत च बाढ़ा करने आहले मसले गी केंद्र सरकार कन्नै पुट्टेआ जाग।

<><><><><><>

Kayakal-Award

साम्बा जिले दे मेडिकल ब्लॉक रामगढ़ नै केंद्र शासित प्रदेश जम्मू-कश्मीर च कायाकल्प सम्मान तैहत पैहली थाहर हासिल कीती। कायाकल्प अवार्ड सेहत ते परोआर कल्याण मंत्रालय आसेआ चलाया गेआ ऐ। एह इक्क राश्ट्र व्यापी जत्त ऐ साफ-सफाई, स्वच्छता ते संस्करण गी रोकने लेई जतन करने आहलें गी सराहने दा ते उनेंगी सम्मानित करने दा। मेडिकल ब्लॉक रामगढ़ गी 25 लख रपे दा नकद पुरस्कार हासिल होआ। सरकारी सामुदायिक सेहत केंद्र रामगढ़ दे अमले नै इस उपलब्धि गी ब्लॉक मेडिकल अफसर डॉ. लखविंद्र सिंह होरें गी सम्मानित करियै मनाया। इस मौके पर बोलदे होई ब्लॉक मेडिकल अफसर होरें आखेआ।

<><><><><><>

Kishtwar-Loan Mela

अल्पसंख्यकें गी सशक्त करने ते आर्थिक विकास गी बढ़ावा देने दे मकसद कन्नै जम्मू ते कश्मीर ते लद्दाख Finance Corporation नै National Minorities Development ते Finance Corporation NMDFC नै किश्तवाड़ च इक बड्डा लोन मेला ते जागरूकता शिविर दा सरिस्ता कीता। एहदा मुख करी ध्यान अल्पसंख्यक लेई लोन स्कीमें पर हा। इस कार्यक्रम च किश्तवाड़ दे डिप्टी कमिशनर राजेश कुमार शवन होर मुख परौहने हे। इस मौके पर JKLFJ जिला कोऑर्डिनेटर होरें आखेआ।

<><><><><><>

Cricket Katra

युवाएं गी रचनात्मक गतिविधियें च शामिल करने ते नशामुक्त समाज गी बढ़ावा देने दे अपने लगातार जत्तें दे चलदे जम्मू-कश्मीर पुलिस नै कटड़ा च सिविक एक्शन प्लैन तैहत क्रिकेट टूर्नामेंट दा आयोजन कीता। इस टूर्नामेंट च कटड़ा दे बक्ख-बक्ख ग्राए थमां 8 टीमां शामिल न जेदे कन्नै युवा खडारियें गी अपनी प्रतिभा प्रदर्शन करने दा इक मंच उपलब्ध करोआया जाग। इस टूर्नामेंट दा उद्घाटन अज्ज कटड़ा दे Superintendent of Police (SP) होरें कीता। इस मौके उपपर बोलदे होई उनें आखेआ।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किश्त होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800-11-7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नै कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। एहदा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>